

DE IAC. WIMPHELINGO. 329

quod in coelum clamat, & lex Caesarea flammis *cap. clericorum de excessibus praelat.* poenis ecclesiasticis condemnat, vel interminabitur, si concubinam a se depuleris, nullam filiam, nullam uxorem a sua libidine (adeo salax est) tutam fore atque securam. Ad has feces redacta est purissima religio Christi: ita sacra concilia, ita sacri canones, ita summorum pontificum pia decreta (quia conciliorum celebratio tot annis interpolata est) ab eis obseruantur, qui ad sacerdotium (cui caelitatem norant annum) sponte aspirarunt, coacti non sunt, qui ad praebendas, ad ecclesias aut earum emolumenta inhiare non cessant, quibus & ipsis, & scorta, & filii in voluptate & fastu delicatissime nutriantur.

Idcirco mi *Angele*, qui animarum, virtutum, totiusque Christianae disciplinae caelo flagras, & ad Concilium profundum summum pontificem hortatus es, tuum erit, sacrorum canonum & Christianae vitae contemptum in medium afferre, magna tibi erit auctoritas apud supremum ecclesiae pastorem, de quo bene meritus es, quippe qui eius sanctitatem defendis, sicut & ego quondam patrum eius *Sixtum IV.* contra *Andream Craianensem* archiepiscopum pro virili defendere conatus sum: licet interim ex duabus gratiis expectatiis, ne minimum quidem beneficiorum propter alienas fraudes, igni plestantas, consequi potuerim. Da igitur operam, consule, effice, vt auctoritate Papae & reuerendissimorum patrum in concilio Lateranensi congregandorum Boemia ad Petri claves redeat, Constantinopolis ab impio Turco tandem erepta, ad Christi fidem refurgat, vt sanctissimorum (etiam Constantiensis) conciliorum maiestas non eneruetur, quod a quodam fratre *Thoma* deuio attemptatum esse dicunt, vt aequa lance & insimorum de clero & primorum vitia castigantur, vt pro annua exactione, & poenitis pecuniaris (de *poen. c. 2. & c. 3.*) (in ecclesiarum utilitatem & pauperum eleemosynam iuste dispertiendis) tempora non interdicantur, quanto minus, ob mutua debita laicorum, vt canonici in feso castigandis episcopo manum non claudant, vt episcoporum synodalia statuta iuri innixa, non spernantur,